

T 8145 / 172.83

4

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 15 1939

鄧州志卷之十二

哈佛大學漢和
圖書館珍藏印

名宦

古延蔣光祖振裘氏纂修

古之官於鄧者或以政傳或以節著或亦以素望顯
雖其事不多見然鄧民至今皆思之慕之尸祝而俎
豆之凡所以保乂其民人協和其庶政恒令人師一
二以想見其餘彼其自立者誠卓然也有明以還志
乘迭興於是功德及一方者雖史氏所不載後人猶
詳書之而國家又擇其尤異者從祀學宮所以昭
示民情激揚吏治意至厚也昔朱邑謂後世子孫奉

嘗我不若桐鄉民然則民亦何負於吏哉後之君子可以惕然思矣志名宦

唐呂子臧蒲州河東人剛直德于吏隋大業末為南陽

郡丞按此時南陽郡即鄧州故備錄之捕擊盜賊有功高祖入京師

遣馬元規慰輯山南獨子臧堅守元規遣士諷曉子

臧殺之及煬帝已弒帝更使其婿薛君倩齎詔言隋

所以亡論子臧子臧為故君發喪訖即送款就拜鄧

州刺史封南陽郡公武德初朱粲新劔子臧率兵與

元規并力元規兵不進子臧曰乘賊新敗上下惶沮

一戰可禽若遷延其眾稍集吾食盡致死於我不可

當也不納子臧請以所部兵獨進又不許俄而粲得

眾復張元規嬰城子臧扼腕曰謀不見用坐公死矣

賊圍固會霖雨雉堞崩剝或勸其降子臧曰我天子

方伯且降賊乎乃率麾下數百人赴敵死城亦陷元

規死之元規安陸人初以隊正從帝征伐持節下南

陽得兵萬餘然無謀以至于敗唐書忠義傳按綱目書朱粲取唐鄧州

刺史呂子臧死之而不書元規以其無謀致敗也然既死事於鄧不可謂非忠矣雖非本地職官當載入忠烈今因唐書并錄于此

陳君賓陳鄱陽王伯山子也武德初封東陽郡公遷邢

州刺史貞觀初徙鄧州州承喪亂後百姓流冗君賓

各宦

加意勞績不替月皆還自業明年四方霜潦獨君賓
 所治有年儲倉充羨蒲虞二州民就食其境太宗下
 詔勞之曰去年關內六州穀不登糶糧少令析民房
 遂食聞刺史與百姓識朕此懷務相安養還有贏糧
 出布帛贈遺行者此知水旱常數更相拯贍禮讓興
 行海內之人皆為兄弟變澆薄之風朕顧何憂已命
 有司錄刺史以下功最百姓養戶免今年調物是歲
 入為太府少卿節唐書循吏傳
 孟威平昌人肅宗時臨湍令下車時戶不滿百為政七
 月相率歸者千餘家李華為之記通志

狄兼謨字汝諧仁傑族孫及進士第剛正有祖風令狐

楚執政薦授左拾遺數上書言事歷刑部郎中斬鄧

鄭三州刺史歲旱饑發粟賑濟民人不流徙後官至

尚書左丞秘書監遷東都留守卒節唐書

宋張承德字抱一陽曲人太祖開國元勳按承德亦嘗

為武勝軍節度使太平興國六年進封鄧國公舊志

趙普字則平幽州薊人太平興國八年出為武勝軍節

度檢校太尉兼侍中帝作詩以餞之按前志稱承德

之如父母又稱趙普至郡撫治軍民大有謀為鄧人

德之皆正史所不載舊志削之是也而又虛列宦蹟
 夫宦蹟必以功德在本地為主二人既
 無政績又非純臣不足引重去之可也

趙延進澧州頓邱人歷官右驍衛大將軍知鄧州淳化初飛蝗不入境詔褒之官至右金吾衛大將軍延進姿狀秀整涉獵經史好作詩什士流以此多之節宋史

蘓易簡字太簡梓州銅山人弱冠舉進士甲科淳化四年給事中參知政事至道元年以禮部侍郎出知鄧州移陳州至道二年卒節宋史舊志易簡知鄧州專以詩書飭吏事甚得人心素

愛竹有題四禪院碧亭詩

寇準字平仲華州下邳人也少英邁通春秋三傳年十九舉進士後中第授大理評事淳化中累官參知政事加給事中至道二年罷知鄧州景德元年同中書

門下平章事準兼資忠義善斷大事忘身徇國秉道嫉邪帝以澶淵之功待準甚厚王欽若深嫉之讒於帝由是顧準寢衰凡三入相後為丁謂所陷連貶雷州司戶參軍天聖元年卒後十一年復太子太傅贈中書令萊國公後又賜謚曰忠愍皇祐四年詔翰林

學士孫抃撰神道碑帝為篆其首曰旌忠節宋史舊志準知鄧州所得俸祿惟務施予治郡一以寬

吳元辰字君華并州太原人尚太宗女蔡國公主授左衛將軍駙馬都尉累遷寧國軍留後知定州所至皆以善政聞景德三年拜武勝軍節度官至檢校太傅

慈待民甚德焉既去立祠祀之

州所得俸祿惟務施予治郡一以寬

以善政聞景德三年拜武勝軍節度官至檢校太傅

元辰性謹讓在藩鎮有憂民心待賓佐以禮喜讀春秋左氏聲色狗馬一不介意所得祿賜即給親族孤貧者大中祥符四年卒贈中書令謚忠惠

節宋史

姚坦字明白曹州濟陰人擢第累官衛尉少卿景德初

知鄧州轉運使表其治狀詔嘉獎之

節宋史

陳堯咨字嘉謨閬中人舉進士第一真宗時知鄧州以

政最聞吏民懷之

舊志按宋史堯咨守長安不法帝不欲窮治止削職徙鄧州才數

月復知制誥又堯咨所至史稱其豪侈不循法度用刑慘急須索煩擾多暴怒舊志不知所本當據正史

去削

劉筠字子美大名入舉進士真宗時歷官左司諫知制

誥加史館修撰出知鄧州後遷尚書兵部員外郎復

請鄧州未行進翰林學士筠性不苟合遇事明達而

其治尚簡嚴其文辭善對偶尤工為詩初為楊億所

識拔後遂與齊名時號楊劉凡三入禁林又三典貢

部以策論升降天下士自筠始

節宋史

張知白字用晦滄州清池人幼篤學中進士第真宗時

自右司諫知鄧州會關右流傭至境知白既發倉廩

又募民出粟以濟擢龍圖閣待制後同平章事卒贈

太傅中書令謚文節

節宋史

按府志宦蹟真宗景德初有張鑑查宋史鑑景德

初卒未嘗知鄧州

謝絳字希深其先陽夏人祖懿文葬富陽遂為富陽人
舉進士中甲科仁宗時歷官兵部員外郎知制誥請
知鄧州距州百二十里有美陽堰引湍水溉公田水
來遠而少利不及民濱堰築新土為防俗謂之墩者
大小又十數歲數壞輒調民增築奸人蓄薪茭以時
其急往往盜決堰墩百姓苦之絳按召信臣六門堰
故迹距城三里壅水注鉗廬陂溉田至三萬頃請復
修之可罷州人歲役以水與民未就而卒年四十六
絳以文學知名一時為人修潔醞籍所至大興學舍

嘗請諸郡立學好施宗族喜賓客以故卒之日家無

餘貲有文集五十卷

節宋史

孫甫字之翰許州陽翟人少好學日誦數千言再舉進
士及第仁宗時歷官右正言鯁亮不私以右司諫出
知鄧州仕至刑部郎中天章閣待制河北都轉運使
留為侍讀卒特贈右諫議大夫甫性勁果善持論有

文集七卷著唐史記七十五卷

節宋史舊志甫知鄧州在官廉介吏民不

欺敢

范仲淹字希文蘄州吳縣人少有志操學晝夜不息舉
進士第仁宗時歷官參知政事以資政殿學士陝西

四路宣撫使知鄧州以疾請鄧州進給事中徙荆南
 鄧人遮使者請留仲淹亦願留鄧許之為政尚忠厚
 所至有恩再遷戶部侍郎徙青州卒年六十四贈兵
 部尚書謚文正仲淹內剛外和性至孝以母在時方
 貧其後雖貴非賓客不重肉妻子衣食僅能自克而
 好施予置義莊里中以贍族人况愛多義士多出其
 門下雖里巷之人皆能道其名字死之日四方聞者
 皆為歎息

樂

節宋史舊志仲淹知鄧州孜孜民事政平
 訟理公餘營百花洲為臺榭之勝許民遊

王琪字君玉成都華陽人兒童時已能為歌詩起進士

仁宗時歷官知制誥加樞密直學士知鄧州後以禮
 部侍郎致仕琪性孤介不與時合數臨東南名鎮政
 尚簡靜每疾俗吏餽厨傳以沽名譽故待賓客頗濶
 略間造飛語起謗終不自恤

節宋史

李兌字子西許州臨潁人登進士第在官職十年凡所
 論諫不自表襮出知杭州加龍圖閣學士知廣州獨
 著清節再徙鄧州富人榜僕死係頸投井中而以縊
 為解兌曰既赴井復自縊有是理乎必吏受賕教之
 爾訊之果然兌歷守名郡為政簡嚴老益精明自鄧
 歸泊然無仕宦意對便殿力丐退英宗命無拜以為

集賢院學士判西京御史臺積官尚書右丞轉工部
尚書致仕卒年七十六謚曰莊節末

呂誨字獻可開封人性純厚家居力學不妄與人交進
士登第由屯田員外郎爲殿中侍御史出知江州上
疏請建皇嗣召爲侍御史改同知諫院英宗不豫都
知任守忠用事久數聞諜東朝播爲惡言內外洵懼
誨上兩宮書開陳大義詞旨深切多人所難言者帝
疾小愈遂論守忠平生罪惡并其黨竄之南方濮議
起引義固爭出知蘄州神宗時拜御史中丞王安石
執政時多謂得人誨言其不通時事大用之則非所

宜又劾安石初無遠畧惟務改作立異文言飾非議
天下蒼生必斯人也如久居廟堂必無安靜之理帝
方注倚安石還其章誨求去乃出知鄧州誨旣去安
石益橫司馬光服誨之先見自以爲不及也明年改
知河南表求致仕猶以身疾諭朝政誨三居言責皆
以彈奏大臣而去一時推其鯁直居病困猶旦夕憤
歎以天下事爲憂旣革司馬光往省之至則目已瞑
聞光哭廢然而起張目強視曰天下事尙可爲君實
勉之光曰更有以見屬乎曰無有遂卒年五十八海
內聞者痛惜之元祐初呂大防范純仁劉摯表其忠

詔贈通議大夫 節宋史

韓維字持國其先真定靈壽人徙開封之雍邱好古嗜

學安於靜退元祐初累官門下侍郎有忌之者密為

讒愬以大學士知鄧州後以太子少傅致仕轉少師

節宋史舊志維知鄧州有惠政百姓德之

范純粹字德孺仲淹子元祐中累官戶部侍郎紹聖間

以寶文閣待制知熙州章惇蔡卞經略西夏疑純粹

不與共事改知鄧州純粹沉毅有幹略才應時須論

事剴切後以元祐黨人奪職黨禁解復徽猷閣待制

致仕 節宋史舊志惠政追宗文正公民併稱之

曾肇字子開建昌南豐人舉進士元祐中以寶文閣待

制知鄧州官至翰林學士肇天資仁厚而容貌端嚴

自少力學博覽經傳為文溫潤有法更十一州類多

善政紹興初謚曰文昭 節宋史

李常字公擇南康建昌人擢第熙寧初為右正言知諫

院疏言新法傳會經義何異王莽猥析周官片言以

流毒天下安石遣所親諭意常不為止哲宗初累進

戶部尚書時役法差免二科未定常謂法無新陳便

民者良論無彼己可久者確乃折衷條上之拜御史

中丞兼侍讀加龍圖閣直學士徙兵部尚書辭不拜

出知鄧州徙成都卒年六十四有文集奏議六十卷

詩傳十卷元祐會計錄三十卷

節宋史前志常知鄧州遇事即決案無停

贖誠心愛民吏不敢欺

張叔夜字稽仲開封人大觀中歷官庫部員外郎開封

少尹獻文召試制誥賜進士出身徽宗末以功進龍

圖閣直學士知書州靖康改元金人南下叔夜再上

章乞假騎兵與諸將并力斷其師路不報徒鄧州四

道置帥叔夜領南道都總管金兵再至欽宗手札趣

入衛即自將中軍子伯奮將前軍仲熊將後軍合三

萬人翌日上道至尉氏與金游兵遇轉戰而前十一

月晦至都帝御南薰門見之軍容甚整入對言賊鋒

方銳願如唐明皇之避祿山暫詣襄陽以圖幸雍帝

領之加延康殿學士閏月帝登城叔夜陳兵玉津園

鎧甲光明拜舞城下帝益喜進資政殿學士令以兵

入城俄簽書樞密院連四日與金人大戰斬其金環

貴將二人帝遣使齎蠟書以褒寵叔夜之事檄告諸

道然迄無赴者城陷叔夜被創猶父子力戰車駕再

出郊叔夜因起居叩馬而諫帝曰朕為生靈之故不

得不親往叔夜號慟再拜眾皆哭帝迴首字之曰稽

仲努力金人議立異姓叔夜謂孫傅曰今日之事有

死而已移書二帥請立太子以從民望二帥怒追赴軍中至則抗請如初遂從以北道中不食粟唯時飲湯既次白溝馭者曰過界河矣叔夜乃矍然起仰天大呼遂不復語明日卒年六十三訃聞贈開府儀同

三司謚曰忠文

節宋史

劉汲字直夫眉州丹陵人紹聖四年進士欽宗時召赴闕汲奏願得馳驅外服治兵食以衛京師時置京西轉運司於鄧州以汲添差副使建炎元年范致虛師至陝汲貽書勸以一軍自蒲中越河陽焚金人積聚絕河橋一軍自陝路直抵鄭許與諸道連衝敵必解

散致虛以書謝汲而行金人再犯京師諸道不知朝廷動息者三月馮延緒傳詔撫諭謂車駕出郊定和議令諸道罷兵汲謂副總管高公純曰詔書未可遽信公純問故汲曰詔下以去年十二月鄧去京七百里今始至州何也安有議和以三月而敵猶未退乎此必金人脅朝廷以欺勤王之師爾可速進兵公純難之汲請自行公純不得已俱至南陽不進汲獨馳數十騎赴都城二帝已北行汲素服慟哭尋代公純攝帥事捐金帛饗士為戰守計詔鄧州備巡幸汲廣城池飾行闕所以待乘輿之具甚備就加直龍圖閣

知鄧州兼京西路安撫使汲奏欲復兩河當先河東欲復河東當用陝兵請先從事河東以定西河之根本於是金人復渡河謀知鄧州為行在所命其將銀朱急攻京西汲遣副總管侯成林守南陽金人奄至殺成林汲集將吏謂曰吾受國恩恨未得死所金人來必死汝有能與吾俱死者乎皆流涕曰惟命民有請涉山作砦以避敵者汲曰是棄城矣然若屬俱死無益乃下令曰城中有材武願從軍者聽留餘從便得敢死士四百人又令曰凡仕於此其聽送其家寅出午反違者從軍法眾皆感服無一人失期及南陽

陷命將戚出將兵三千逆戰又命靳儀與趙宗印分西南門擣之汲自以牙兵四百登陴望見宗印從間道遁即自至鼎軍中麾其眾陣以待敵至皆死關敵却俄而儀敗金人攻之益急矢下如雨軍中請汲去汲不許曰使敵知安撫使在此為國家致死敵大至汲死之事聞贈大中大夫謚忠介

節宋史忠義傳

附

董敦逸字夢授吉州永豐人登進士第知穰縣時方興水利提舉官調民鑿馬渡港云可灌田二百頃敦逸言於朝以為利不補害核實如敦逸言免役夫十六萬金舊田三千六百頃

節宋史按史稱敦逸開紹聖之禍諱元祐諸臣

瑤華之寃不能持正及見蔡京蔡卞稔惡乃論其過
惡以自文本非端人姑以一善附錄於此舊志刪改
 史傳而附明鄭撫於後蓋因前志之謬而不察也又
 有趙祥者宋時遣戍鄧州開門納元兵亦濫列宦蹟
 今削去

明孔顯靈壁人洪武二年以右衛鎮撫知鄧州時值王
 權亂後元將失刺把都平毀城池鄧民無居守者二
 十餘年顯至詢其故址相地築城修舉廢墜收集散
 亡民多歸業內鄉盜起率所部兵盡殲之境內安堵
 以功賜衣一襲尋擢正千戶後以他事調貴州烏撒
 左衛致仕歸鄧卒入祀名宦祠其後四世俱襲烏撒
 衛千戶五世孫懷又以功晉襲指揮子孫在鄧者猶

多業儒登仕籍云

蕭用謙江西龍泉人監生永樂六年知鄧州恭慎愷
 任久民安重修下默黑龍楚等堰百姓賴之

寇義字宗義平山人萊公之裔由監生知新野有能聲
 宣德中擢鄧州知州正直嚴明人不敢欺宿弊盡革
 賦役均平又修復塘堵等堰以興水利暇則詣學訓
 勵諸生文教蔚起先是城中掘地得石碣云若要鄧
 州治還須寇公至其政績果繼萊公今祀名宦祠

楊儀衢州人宣德時知鄧州學術正大以禮化民有爭
 訟者必淳淳勸諭使相感悔不得已然後用刑為政

一毫不苟立規設法悉追古之循吏府志

張翀字伯翼黃縣人成化十一年由舉人知鄧州招集流亡戶口倍增鋤強扶弱吏畏民懷有古循良之風焉

楊垠會稽人弘治十二年由舉人任鄧州學正敦尚行誼軌範凜然且博學攻古文詞後歷官柳州府知府吳大有崑山人弘治十五年由進士知鄧州重築外城一十五里七分又繼寇義增州治修學宮蓋自孔顯銳意興作足垂不朽者至大有僅三人其後鄧人思之崇祀名宦云

李和益都人弘治十七年由吏員除浙江運司知事擢鄧州同知廉明有才幹冰蘖之慘兩地著聞考功郎楊子器送行詩有小蹇長途獨夫便也無琴鶴可相隨之句後陞運同

于寬字克洪咸寧人由舉人歷知鞏完二縣正德五年擢鄧州知州通才介守爲一時牧守最興學校修陂堰重築外城值流賊猖獗日夜練兵撫民申飭軍令賊不敢犯州人賴焉卒祀名宦祠

孫鑑慶都人嘉靖四年由監生任鄧州同知持身清謹署新野南召二縣事俱有惠政陞衛輝府同知

張定字子靜代州人嘉靖十三年由舉人知鄧州爲人
勁介謹飭而心懷愷悌深得親民之體修陂堰建書
院丈地均糧士民賴之歷陞貴州叅政

周大禮崑山人進士嘉靖十六年以刑部主事言事謫
鄧州同知廉明剛直風采凜然肅宗幸承天大禮協
濟新野處置得宜不畏強禦一時多蒙其庇歷官河
南叅政

萬宗義字克方進賢人嘉靖十九年由舉人署鄧州學
正甄陶士類諄切懇至惓惓然誨人爲善視一切紛
華勢利泊如也時同宗爲冢宰每當道詢及輒以他

族應之其剛正類如此後知盧龍縣以直道不合遂
告歸家居授徒士林高之

王道行字明甫陽曲人嘉靖三十年由進士知鄧州弱
寇蒞任練達有爲虛心延訪以興利除害爲己任復
陂堰修儒學築城鑿池遠外墮種樹千株時賢科久
閉術者謂靈山水不至道行濬之是科卽有薦賢書
者歷官河南按察司卒祀名宦祠至萬歷八年去道
行三十餘年矣州人遷新學仍於尊經閣西立祀崇
祀尤足以徵德澤焉

張遷浮梁人進士嘉靖三十三年知鄧州繕城池備倉

廩修公署置器用凡興利除害班班可考先是鄧未
有志僊始創修之陞刑部郎中卒祀各宦祠

潘廷楠高要人經魁嘉靖四十一年知鄧州通才博學
誠心愛民歲革做費銀三千六百兩繕外城開煤洞

疏土山窪水以利民興學育才士習丕變又纂修鄧
志文章政事士民稱頌不衰卒祀各宦祠

鄭舜臣上虞人進士任鄧州同知入名宦按舜臣既祀
名宦而前志

遺其傳今亦無
攷姑仍舊志

秦嘉楫上海人進士以御史左遷鄧州州判清正嚴明
先是里甲繁費民不堪命嘉楫奏削浮費差役以一

條鞭通行天下至今百姓稱便

黃錫晉江人舉人萬歷八年知鄧州服政精勤遇事有

擔當丈地均糧親歷經界雖窮鄉必達宿弊為之一
清改創學宮不辭勞瘁其實心實政士民常有遐思

云

井濟博瀾州文安人舉人萬歷二十一年知鄧州坦夷

率直不事塗飾值歲大饑民有食子炊骨者濟博加
意賑哺全活數萬嚴于弭盜境內賴以乂安汝南荒

政以濟博稱首百姓思之為建生祠

李作舟字伯佳合州人進士以廉能選知鄧州時鄧俗

刁傲作舟至以教化爲首務禮賢育才獎善懲惡聽訟皆以德諭不尙刑威舊俗翕然一變節省里甲調停夫役減油稅罷權酷革五門出入稅課修城池浚陂堰盜息民安值歲稔賑濟有方全活甚衆丁內艱歸民扶老携幼泣送作舟亦泣尉遣之後民追思立祠祀焉初作舟迎養其母仲子送之巴江號泣仆地毋遂返遣婦來婦亦奉姑歸養宦邸蕭然鄧人每爲嘆息仕至河南布政司叅議祀名宦

趙沛山西岳陽人選貢生萬歷三十七年知鄧州廉慎精敏勤宣德化修舉廢墜不避怨勞興社學立義倉

置漏澤園補修州乘有古循吏風入覲之日士民攀卧百餘里爲生祠祀之陞鞏昌府同知祀名宦

萬一本遼東鐵嶺衛人選貢生萬歷四十年任鄧州同知賦性孤介操守嚴潔清軍理民纖塵不染署裕州篆緩催科勸開墾念驛路差役繁重申請協濟兩地皆爲立石誌德陞平陽府通判

周事一武昌人舉人萬歷四十一年知鄧州寬厚明敏律身處事悉本於正有古大臣風蒞數月境內稱治入覲卒於京邸士民惜之

夏忠字子上蘄州人舉人萬歷四十二年知鄧州慈祥

敏練一意撫綏聽訟無留獄終日不敲撲一人治鄧七年百廢俱舉修學宮葺公署建紫金堂立社課士增修春風閣爲巽峰以培文氣後陞任去士民感頌修生祠祀之卒祀名宦

曹養氣陝西蒲城人舉人天啟六年知鄧州清介嚴敏臨事明決士民愛戴明季衙蠹窩訪之黨甚熾勾結上役憑社噬民養氣廉知摘發嚴切有去惡欲盡之意群蠹畏而啣之借端誣陷遂罷去時論惜之

董應圭浙江鄞縣人舉人崇禎三年知鄧州精勤練達養士愛民修文廟改正明倫堂尊經閣力培學校六

年癸酉入覲時流寇初渡河自商洛山中直掠鄧境承平旣久百姓驚怖應圭過宛葉聞警申請免覲過歸愈民登垣晝夜警備料軍實修戰具首先勞苦立風雪中飲食俱廢踰月成疾甲戌春卒於官士民皆扶襯號泣送至襄漢子德偁中崇禎丙子鄉試

薛應齡福建人崇禎八年由選貢任鄧州同知勤慎有爲時歲饑賦重知州孫澤盛嚴於催科民激爲盜人相食而刑殺愈刻於是土寇張三崇引流賊張獻忠潛陷外城夜聞亂應齡從孫澤盛率丁勇出戰紫金山後兵敗澤盛死於陣應齡曰吾與城俱盡義不敢

更生矣奮戰愈力賊爭刺擊析骸而死踰月張獻忠陷內城應齡澤盛妻子俱遇害事聞應齡贈奉直大夫鄧州知州賜葬祭從祀名宦先是澤盛被議謝事聞變出戰遂及於難詔免議

任從仕四川瀘州人選貢生崇禎末任鄧州同知品端守潔佐理功居多李自成再陷鄧州從仕適署泌陽縣事知州劉振世被執吏目李國璽死之鄧民乃迎從仕歸竭力繕城未幾自成僞官至從仕出奔鄖陽後屢遣海成等領鄉兵復鄧不克死於浙川因葬焉二子流寓境內不能歸士民多分養以見永思

李國璽徐州人崇禎十年任鄧州吏目勤事愛民才守兼優善騎射十四年辛巳李自成攻鄧州國璽分汛西門竭力効守與士民約曰官無崇卑名義則一脫不幸失守有死而已斷無從賊理及城陷罵賊死祀名宦自成執知州劉振世殺于郟城

按明史忠義傳崇禎十年春鄧州爲張獻忠所破知州孫澤盛同知薛應齡皆戰死十四年李自成羅汝才再陷鄧州知州劉振世吏目李國璽千戶余承蔭李錫諸生丁一統張五美王鍾王子章海寬傅彥皆抗節死前志於振世獨不詳其事第附書國璽傳後云

自成執知州劉振世殺于郟城舊志並此刪去今據明史補錄毋使其忠義泯沒焉

國朝馬廸吉字聖修山西夏縣人舉人順治二年知鄧州英年敏練遇事敢爲喪亂後百姓流亡城邑隳廢夏六月廸吉奉命賞印單騎就任鄧民流徙江漢者望風復業至則修城池理衙署加意撫輯百廢俱興解散餘孽掩埋白骨仍給散牛種教諸士收采遺書雖經草昧浸浸以文教爲事冬十二月遺賊劉二虎從襄陽渡江犯鄧境殺掠西南一帶廸吉率殘民登城守禦至正月賊衆薄城下聲勢震駭廸吉鼓勵士

民誓以死守賊掘地道七處廸吉隨計破之夜守盡戰凡二十七日城中糧盡殺牛畜爲食撤屋爲薪人皆感奮城守愈堅賊計窮宵遁以功陞治中未行卒於任所祀名宦

張光祁字雲仲江南歙縣人順治四年由進士知鄧州居心寬厚敷政精勤事無巨細悉出已裁胥吏無所容其奸自明啟禎來直年里長起解本年錢糧賠累浩繁立傾身家百姓苦之光祁始議官解法罷里長州人稱便陞禮部員外郎未行卒入祀名宦祠

陳丹字自修江南山陽人鑲黃旗籍由舉人順治十年

知鄧州通才淵識臨民慈惠備兵儲糗民不擾而事
集去蠹從除窩訪息遠訟編戶口以功紀錄陞廣西
潯州府知府仕至湖廣按察使

楊威盛字肅如遼東人生員由廣州府知府降補賦性
坦率不求多事民甚安之鄧土自歷亂後多石田威
盛蒞任七載開墾者幾十之三四自具牛車令家童
親為樵採卽小事不以勞民也已未鄧大饑威盛捐
俸施粥力請發粟賑濟賴以全活者甚衆陞刑部員
外郎遷長沙知府卒於任鄧民聞訃塑像喜施糜雨
哭之

萬懔字兆文直隸南樂人由進士康熙三十一年知鄧
州政簡刑清奸猾斂跡勸農桑嚴會課修文明渠平
五關街纂輯州志士民頌之行取戶部員外郎

尹椿字岱華浙江山陰人監生康熙五十二年知鄧州
率修文廟興教勸學宿弊多所釐革鄧舊有房崗二
租因兵餉奉 文暫徵一年他州邑皆已開除而鄧
獨留爲輿夫工食椿謂工食各有額數何得累民給
印照悉爲蠲免至今民猶思之

范燦字電文雍正二年進士選庶吉士十一年知鄧州
存心教養寬嚴互濟獄有失入犯八人久繫囹圄燦

力為詳請俱得釋歸燦遠祖文正公仲淹嘗知鄧州人稱為前范後范云歷官河南布政仕至巡撫

馬翹字扶遙山西安邑人由監生知鄧州性樸誠愛民如子值水患急請開倉接濟復捐俸施粥收養無告民賴全活刁嚴二水屢溢各築隄岸七十餘里建學課士培植寒素盜戢民安治鄧五載有古遺愛風

鄧州志卷之十一終

鄧州志卷之十一

古延蔣光祖振裘氏纂修

武備 武胄 武功附

書稱詰爾戎兵方行天下詩稱修爾車馬弓矢戎兵蓋承平日久武備尤加意焉 國家長駕遠馭文武並用兵革不試百有餘年而戎行整飭大吏復時行閱視詩書所稱曷以加茲夫武備之設非獨潛折逆萌豫戒不虞亦所以詰姦盜而衛良善也鄧州新野實豫楚之門戶我

朝特設鄧新營而駐守備於鄧視明之守禦所規模固宏

遠矣其分汛嚴密要使行不持兵邑無吠犬仰一隅觀之大槩可畧觀焉志武備

鄧州自故明設守禦前所有正千戶三員副千戶七員百戶十員鎮撫二員皆世襲 國初改世襲為流

千戶為千總順治十六年裁守禦所歸鄧州康熙九

年始立鄧新營置守備一員駐鄧州千總一員分防新野把

總一員在鄧州額設馬步兵丁四百名三十一年裁馬

兵二十四名守兵兵一百五名現設馬兵五十六名

在鄧州者三十六其二十分撥新野守兵二百一十

五名在鄧州者一百六十二其五十三分撥新野凡

鄧州境內墩臺營房二十一處共用分汛馬步兵丁

七十七名其存城者馬步兵丁百二十一而外委營

書及各弁養廉公費皆在其內計存城外委二員馬

十二名鳥鎗守兵四十一名籐牌守兵二十名營書

十二名南陽底撥守兵一名守備養廉馬守兵各四

名把總養廉馬兵一名守兵三名外委守備署在子城東門內康熙九年知州黃懷玉奉 文

創建三十一年守備胡彪重修

把總署在守備署西同時奉 文創建

演武廳在土城東門外教場內

旗纛廟在守備署西每歲霜降前一日營官戎服自教

軍場率兵丁揚旌旗鼓吹迎於廟厥明祭如 文廟
儀

守備

國朝張潛蛟 真定人武舉康熙九年任陞蕪州守備

陳于前 滿城人武舉十二年任

甯士廉 燕山衛人武進士十八年任

趙光正 丹徒人行伍十二年任

周長法 大興人將材二十七年任

胡彪 滄州人武舉三十一年任

李得時 祥符人行伍三十三年任

黃朝鳳 湖廣安陸人行伍三十七年任

趙甫 陝西寧夏人行伍四十四年任

姬魁 直隸永平人行伍四十六年任陞南陽遊擊

閔文縉 直隸大名人侍衛五十二年任陞鹽城遊擊

董中豹 山西潞安人行伍五十八年任

朱緒 湖廣黃州人武進士六十年任

李成芳 陝西寧夏人行伍雍正四年任陞梁山都司

魏瓦 陝西藍田人功加乾隆元年任陞四川提標中軍守備

楊禮 祥符人功加八年任 陳士奇 福建閩縣人功加十一年任

田金科 直隸晉州人武進士十七年任 韓世雄 福建漳州人功加二十年任

把總

薛士祥 陝西人行伍康熙九年任陞新野千總拓林營守備

楊三桂 陞新野千總 劉英 陞新野千總 行伍十八年任

周卿 行伍二十年任 李有名 功加三十年任

刑國成 直隸大名人行伍三十一年任 田旺 福建漳州人行伍三十四年任

葛仲虎

廣東瓊州人行伍四十二年任

胡振龍

南陽人行伍四十六年任陞新野千總

韓魁

山西人行伍五十四年任

王洪禮

南陽人行伍五十九年任

耿貴先

祥符人行伍五十年任

黃祿

南陽人功加乾隆元年任

牛天祐

南陽人行伍十四年任

李才

南陽人行伍十六年任

構林關墩臺一座營房八間馬兵一名守兵三名州

南四十里

魏家集墩臺一座營房八間馬兵一名守兵三名州

南七十里

梁家庄墩臺一座營房八間守兵三名州西五十里

韋家集墩臺一座營房八間守兵三名州西九十里

桑家庄墩臺一座營房八間馬兵一名守兵三名州

東南三十里

白牛舖墩臺一座營房八間馬兵一名守兵三名州

東北三十里

穰東鎮墩臺一座營房八間馬兵一名守兵三名州

東北六十里

牛扎店墩臺一座營房八間守兵三名州西南四十

里

武家店墩臺一座營房八間守兵三名州西南九十里

張村集墩臺一座營房八間馬兵一名守兵二名州西北六十里

十里林墩臺一座營房八間守兵三名州西北八十里

急灘鎮營房八間馬兵一名守兵三名州東四十里古村集營房八間守兵二名州南五十里

桐栢店營房八間馬兵一名守兵二名州南五十里劉家集營房八間馬兵一名守兵三名州南七十里

夏庄集營房八間馬兵一名守兵三名州南七十里

厚坡集營房八間馬兵一名守兵三名州西六十里

王家集營房八間馬兵一名守兵三名州北四十五里

林家店營房八間馬兵一名守兵二名州西南五十里

趙家集營房八間守兵三名州西北五十里

羅庄營房八間馬兵一名守兵三名州西北八十里

舊守禦所

正千戶

明 蕪 斌 定遠人 洪武初調任子琦 蕪 琦 永樂年

蕪 能 天順年 襲子英 蕪 泰 成化年

蕪 節 由生員正德年 襲子一清 襲副千戶

周 從義 山東滋陽人 洪武初調任子原 周 原 永樂年

周 新 天順年 襲子輔 周 輔 成化年 襲子繼文

周 繼文 正德年 襲子鎬 周 鎬 嘉靖年 襲子維藩

周 維藩 隆慶年 襲子詩 周 詩 萬曆年 襲子孔弟

周 孔弟 由生員天啟年 襲

胡 南直銅陵人 成化中 自潁川衛調任子靖

胡 靖 正德年 襲子崇華

胡 崇華 嘉靖年 襲

胡 崇華 嘉靖年 襲再中河南武舉流賊戒嚴 與知州王道行協心城守子世安

胡 世安 嘉靖年 襲子永清 胡 永清 萬曆年 襲三中河南武舉掌軍政

千總

國朝 張正坤 明崇禎年 襲副千戶 順治二年 城守有功 改授千總

沈 國菁 錢塘人 順治六年 任 李毓元 十三年 任十六年 裁守禦所

副千戶

明 黑 忠 山西人 洪武初調任子貴 黑 貴 永樂年 襲子顯

黑 顯 天順生 襲子玉 黑 玉 成化年 襲弟璽

黑 璽 正德年 襲子曜 黑 曜 嘉靖年 襲子晉陽

黑 晉陽 嘉靖年 襲

党仕威

陝西延安人洪武初調任子謙

党謙

永樂年襲子隆

党隆

成化年襲子清

党清

正德年襲子壽

党壽

嘉靖年襲從孫國祥

党國祥

萬曆年襲子承爵

党承爵

天啟年襲

李勇

成化年以父鐸邊功陞任子時

李時

由生員正德年襲子鶴翔

李鶴翔

嘉靖年襲子錫

李錫

萬曆年襲詳忠烈

趙鑛

順天人成化年調任子川

趙田

嘉靖年襲從子鶴

趙鶴

萬曆年襲子承

趙子光乾

萬曆年襲

趙光乾

萬曆年襲

蔣

應天江寧人宣德年自燕山後衛調任子珍

蔣珍

天順年襲子鉞

蔣鉞

由廩生成化年襲子漢

蔣漢

由廩生正德年襲子朝陽

蔣朝陽

通經史嘉靖年襲子蕃

蔣蕃

嘉靖年襲子念

蔣念

萬曆年襲子松

蔣菱

前志作菱萬曆年襲

蔣應松

蘓一清

嘉靖年任世系見正平戶子應召

蘓應召

萬曆年襲

張珉

宣德年由百戶陞任子順

張順

天順年襲子翔

張翔

成化年襲弟銳

張銳

正德年襲姪潼繼

張潼

嘉靖年襲弟洵

張洵

嘉靖年襲子橋

張橋

嘉靖年襲軍政掌印

張正坤

余鉉

江西德化人弘治年任子恩

余恩

正德年襲子立

余立 嘉靖年襲
子嘉慶 萬歷年襲
余承蔭 詳忠烈

余嘉慶 萬歷年襲
子承蔭

百戶

明李

鐸

南直臨淮人 成化年任領兵榆林
陣亡加副千戶子勇見副千戶

張賢

山東歷城人 洪武年
任子珉見副千戶

譙嘉壽

江西南昌人 洪武二
十六年調任子忠

譙忠

永樂年
襲子顯

譙顯

正統年
襲子洪

譙洪

天順年襲子銘中 成化
鄉試不襲傳子良弼

譙良弼

成化年襲正德中
陞副千戶子九臯

譙九臯

嘉靖間仍襲
百戶子嘉言

譙嘉言

嘉靖年襲
從弟嘉福

譙嘉福

萬歷年襲
子維棟

譙維棟

萬
年襲

王聚

北直內黃人 景
泰年調任子翥

王翥

天順年
襲子昇

王昇

成化年
襲子能

王能

弘治年
襲子爵

王爵

正德年
襲子琦

王琦

嘉靖年襲
族孫田繼

王田

萬歷年襲
子三錫

王三錫

萬歷年襲
弟三省

王三省

萬歷
年襲

鄭一海

湖廣武昌人 成
化年任子宣

鄭宣

弘治年襲
子顯宗

鄭顯宗

正德年襲
子承祖

鄭承祖

嘉靖年襲
子如松

鄭如松

嘉靖年襲子尚文
歲貢望江訓導絕

徐勝

南直合肥人 正
德年任子國

徐國

嘉靖年襲
子尚忠

武備

徐尙志 萬曆年襲

梁忠 浙江德清人正德年任子如

梁朝 嘉靖年襲子橋

梁橋 萬曆年襲

侯邦 山東鉅野人正德年任弟邑

侯邑 嘉靖年任子位

侯位 萬曆年襲子萬乘

侯萬乘 萬曆年襲

陳鵬 南直壽州人正德年任子賢

陳賢 嘉靖年襲

盧章 南直壽州人成化年任子玠

盧玠 弘治年襲弟鉞

盧鉞 正德年襲子東臣

盧東臣 嘉靖年襲

王隆 成化年襲子平

王慶 景泰年襲子隆

王宅中 嘉靖年襲子永祚

王永祚 嘉靖年襲子光先

王光先 萬曆年襲弟紹先

王紹先 萬曆年襲

王撫謙

白能 山東歷城人正統初調任子忠

白忠 景泰年襲子玉

白玉 天順年襲弟碧

白碧 成化年襲弟琥

白琥 王德年襲子可繡

白可繡 嘉靖年襲子鶴鳴

白鶴鳴 萬曆年襲弟鶴舉

白鶴舉 萬曆年襲

丁成 建昌人洪武初年流官前所百戶

鎮撫

明刑海 北直新城人成化年任弟源

刑源 弘治年襲子泰

武備

刑泰

正德年襲子世爵

刑世爵

嘉靖年襲

梁楠

南直定遠人嘉靖年襲任子宗堯

梁宗堯

萬曆年襲

武冒 武功

明孔

懷

烏撒衛千戶後襲指揮

張存忠

寧夏衛指揮

鄭

璽

寧夏衛指揮

胡隆

南陽衛指揮

夏

宗

南陽衛指揮

李錦

信陽衛指揮

韓

淮

新安縣千戶

李文

綏德衛千戶

黃

欽

城山衛千戶

舒誠

海衛千戶

蕭

英

太原衛百戶

胡宗義

南陽衛指揮陞總兵

國朝張奎明前所世襲

本朝官辰常領標都司順治九年隨總兵徐勇出戰辰州

陷圍中力竭陣亡贈正都司

諭祭葬廕弟正坤拖沙他哈番

黃廷字華明福建人明末聚兵海上唐王封為永安伯

投誠

本朝封慕義伯屯長樂康熙七年遷廷於鄧帶領本標兵

丁墾荒因家焉十三年從征吳三桂十五年楊烈嘉

據穀城徵糧於鄧廷與戰二狼岡敗之鄧以無恐二

十一年從平臺灣二十三年勦羅岔俱有功子而輝

以廕仕湖南衛永彬參議道清淨不擾嘗雪冤獄亦善詩文書畫卒於官次子德從父投誠授左都督銜分屯江西新喻仕至安慶副將四子而炳康熙二十三年選善團牌者而炳與焉

御試瀛臺賜飲饌緞匹二十七年湖廣夏逆亂而炳自備鞍馬器械從襄鎮蔡元進勦師還奏授古北鎮標守備以母老病告歸而炳慷慨重義遇友朋困解衣傾囊弗吝常閉戶讀老子書能詩子如麟中雍正己酉武舉

彭始起字伯宗布政而述長子順治十八年武進士授

興安鎮標守備擢游擊康熙十三年從征四川吳逆據朝天關始起先登斬獲甚衆又破之於蟠龍山十四年興安鎮營弁俱受僞劄殺總兵官叛始起獨脫身走抵鄖陽軍門告變奉

旨嘉獎擢陝西督標叅將以疾乞休始起樂施子言貌恂恂年八十卒子鼎字爾調孝友博學中康熙壬午鄉試

鄧州志卷之十三終

鄧州志卷之十四

古延蔣光祖振裘氏纂修

選舉

三代取士之法尚矣兩漢皆出徵辟而魏晉多田中正隋始制進士科歷代不易雖所試不同而行之爲最久至前明乃以制義取士我

朝因之此其大畧也夫科目畸輕畸重固亦時勢使然然上以此求下以此應則士之所以自立者名也而實存焉非徒弋取一第爲炫耀矣鄧之科目未嘗乏人顧數十年來致身青雲者寥寥弗獲多見風氣不少

選舉
衰歟果其克自樹立多士奮興盛衰亦豈有常哉志

徵辟

漢郭

丹

辟舉高第官司徒詳人物

左

雄

舉孝廉官司隸校尉詳人物

張

機

舉孝廉官長沙太守詳方伎

三國魏鄧

艾

司馬懿辟為掾官鎮西將軍詳人物

南北朝

梁劉之遴

舉茂才明經官秘書監詳人物

劉之亨

舉秀才官南郡太守詳人物

岑之敬

擢高第入陳為治書侍御史詳人物

宗

慄

舉秀才入周為車騎大將軍詳人物

明李芾

張

雲

九江知府

杜宗道

揚州知府

于宗瑞

吉安知府

楊

瑞

太平知府

刁

亨

澧州判官

王

誼

永清知縣

田

增

舒城知縣

進士

唐岑

羲

侍中見人物

趙

驊

開元中擢第官秘書少監見人物

張

巡

開元末擢第官御史中丞詳忠烈

岑

參

天寶年第官嘉州刺史詳人物

趙宗儒

官司空詳人物

韓

愈

官吏部侍郎詳人物

韓

湘

長慶三年第大理丞

韓

昶

長慶四年第禮部郎中

按舊志選舉表制舉載韓茂而進士不載湘昶通志人物入修武而選舉稱孟縣又獨書韓茂鄧人

考北史茂安定安武人

魏書作安定武安

蓋是時尚未遷

鄧也

宋周

湛

進士甲科官諫議大夫詳人物

賈

黯

進士第一官御史中丞詳人物

晁維岳

官屯田員外郎詳人物

王

襄

同知樞密院事附人物

元成

遵

元統元年第官中書左丞詳人物

羅

謙

穰人國子助教

秦維質

穰人湖州判官

楊

輒

穰人翰林修撰

虎都帖木兒

穰人翰林編修

李

睿

穰人詹事院都事

明

洪武

誼

吏部主事祀鄉賢舊志無傳

甲戌 徐鴻達

任縣知縣

舉人

明

洪武

己酉 王

誼

見進士

丙子 于

賢

永樂

癸未 錢

禮

隴西教諭

張常

宜城教諭

乙酉 張

安

見進士

辛卯 王

訥

王

禮

甘肅都御史詳人物

劉肇 澤州判官

丁酉 劉貴 都督府經歷

庚子 劉顛 蒲州知州

宣德

壬子 李賢 解元 進士

正統

甲子 郭泰 鉅鹿教諭

景泰

庚午 李讓 山西按察使

癸酉 李謙 崑山教諭

李義芳 潁川教諭

張佑

丙子 李寬 蕭山知縣

天順

己卯 韓賢 瑞州府同知

壬午 藍洪 見進士

成化

乙酉 李善 興濟知縣

戊子 孔雄 太原府通判

辛卯 張佶 中應天鄉試見進士

甲午 羅端 符山知縣

丁酉 王礪 元城教諭

李瑞 應傑 戶部主事

癸卯 胡振遠

知當陽縣

李

槐

知藍山縣

諶銘

潛山獲鹿二縣知縣

弘治

己酉 王進賢

見進士

壬子 李昂

州考知

辛酉 張秉懿

兩淮通判

甲子 王庭

登州府通判

正德

丁卯 董正

平遙縣知縣

癸酉 張國儒

任縣知縣

藍

瑞

見進士

丙子 譙良魁

己卯 郭堅

交河縣知縣

嘉靖

乙酉 陳儒

中貴州鄉試

壬子 藍偉

山西僉事

乙卯 趙雨

中順天鄉試

辛酉 趙汝仁

中順天鄉試

萬曆

癸酉 黃凝道

見進士

乙酉 王九疇

華陰縣知縣

選舉

子戊萬純忠詳人

辛卯張桂祐詳人

甲午張棟詳人

癸卯楊應鼈懷寧知縣

己酉劉子盛

戊午丁如洵考知州

天啟

甲子丁之棟詳人

丁卯李永茂見進士

崇禎

王聘見進士

李之新

胡贊華

丙子彭而述見進士

張洪範詳人

王之鉉詳人

國朝

順治

甲午魯峻

田天開

康熙

丁巳彭始搏見進士

癸酉王修遠河內教諭

徐鴻達見進士

丙子黃珪開封府教授

壬午彭鼎

恩科

癸巳 彭世熹

甲午 彭敦祖 淳化知縣

雍正

丙午 趙珏 府學

乾隆

甲子 韓邦植

恩科

壬申 李柳

貢生

高越

明

鐵鉉 兵部尚書 詳忠烈

王鐸 監察御史

陳厚 刑部主事 上洪武年貢 以

黃裳 唐山縣丞 建文年貢

盧迪 高郵州同知 王信 交趾府同知

田立 內鄉人 潭典史 孫敏 羅源知縣

楊春 略陽縣丞 孟岩

侯斌 分宜縣丞 胡福

秦謙 和順縣丞 王貫

劉綱 大谷主簿 上永樂年貢 以

羅素 蒲城教諭 宣德年貢

選舉

錢勇

上瑤知縣

李孟芳

湖廣參議

王茂

澤州同知

魯善

平陽知府

李忠

宜興知縣

王玘

順天府經歷

張廉

上林苑署丞
以正統年貢

楊鑑

通州判官

張立

東陽知縣
以景泰年貢

闕宇

兵馬司指揮

張綱

張愷

石首縣丞

趙鐸

華亭知縣

孔傑

環縣知縣

楊璟

以上天順年貢

工隆

莊平縣丞

田奎

阜平知縣

鄭傑

益都縣丞

王奉先

安邱縣丞

陳尙文

夏縣知縣

張崇

高舉

湖州府知事

楊林

蘭陵主簿

王敬德

曾冢

山西經歷

郭璜

上苑縣丞

丁南

王玠

臨淄縣知縣

王宣

郭完

魯文美

大名府訓導
以正統年貢

李有實

內黃主簿

馬瓘

陵川知縣

李志學

霑化訓導

魯堅

泰安州同知
詳人物

王賓

常德府訓導

董清

濟寧州同知

王 贊 貴州經歷

鄭 繡 任縣主簿

譙 欽 獲鹿縣丞

張 銳

洪 玘 雲南經歷

李 縉 寧鄉教諭

陳 汝連 晉府教授

田 霖 榮府奉祀

呂克寬 襄府教諭

姚 瓚 楚府審理 以上弘治年貢

孔 鏞

王 信 寧州訓導

李中和 巴陵主簿

王 璉

陳汝瑄 清江訓導

李堯人 慶陽府訓導 人前志作仁

王 瑞 欒城主簿

孫 源

張 廉

胡 正 平陸教諭

李文正

石文質 以上正德年貢

陳士元 寧晉訓導

陳 宏

李尙忠

蔡 富 莊浪訓導

丁 淵 鞏昌府訓導

王 貞 固城訓導

張文淵 定興訓導

孔 爵 黎昌訓導 詳孝弟

蘓 壘 鄆城訓導

丁 濟 順德府訓導

張 誦 延慶知州 詳人物

張質民 選貢

吳 昇 順天府經歷

丁 時 唐縣教諭 詳人物

高 瑞 周府教諭

孔 祿 齊平教諭

王 威

宋 光 曹縣訓導

選舉

張閔仁

武清主簿

劉倫

李濟時

平山訓導
詳孝弟

孫勵明

黃梅訓導

李天爵

呂霞

永壽知縣

張冲霄

鄖縣主簿

曹鑾

魯府教授

曾魯

鉅野訓導

丁昭

竹山知縣
詳人物

藍璣

秦時

館陶教諭

孔詩

壽張知縣

胡萬鎰

褚相

澧州訓導

蘇簡

張琚

清河訓導

魯騰

黃州府訓導
詳人物

張廷弼

貴池訓導

丁東寅

曾錦

孔修身

藍儀

丁輔

南宮訓導

剛柔

以上嘉靖年貢

何鎰

侯建德

南宮縣丞

趙本晉

恩貢廣寧衛經歷
詳人物

姚揆

華州學正

陳南金

大河衛經歷

彭鶴年

以上隆慶年貢

王璣

選貢

曹植

魯三近

濟南府通判
詳人物

郭維魯

甘泉教諭
前志作繼

王尙賢

江浩

泗州判詳人物

丁鏜

濟陽訓導

孟淑孔

彰德府德導

剛希曾

陳實

沅州學正

李尚仁

英山訓導

杜鐸

李楫

新城訓導

魯世家

丁守一

梅先春

池州通判

丁鉉

汝寧教授

高登雲

張國卿

唐制

張桂禎

沔陽州同

王思敬

宜都教諭

胡一泰

丁思堯

荊州府訓導

王浣

登豐訓導

李暘

張桂華

太和訓導

湯日敬

霍邱訓導

郭邦印

王政

姚應蛟

黃遵道

鄭尙文

望江訓導

張瑚

閻大順

丁三畏

王佐才

固始訓導 以

高折桂

恩選詳人物 泰昌年貢

丁如藻

副榜貢

韓効忠

新都知縣

丁如瀾

選貢兩浙鹽運司運副詳人物

程子延

姚應試

丁如濬

李大醇

詳人物

孫懷禮

以上天啟年貢

杜秋

丁如浚 鄆城訓導

馬雲從

湯元霖

常逢泰

房緯

丁鋹

張士介

李充茂

考推官
詳隱逸

國朝郭黃

恩貢

楊欲梓

丁如淮

陝西學正

彭始騫

拔貢官奉天
治中詳人物

丁泰初

張元耀

沈邱知縣
詳人物

丁之楹

汝寧府訓導

丁謙亨

丁象輝

拔貢詳
人物

李星華

萬會極

恩選

湯行仁

騫愈益

恩選

李彬

孫祚昌

高一傑

楊紹允

孫籙

廖惟聰

恩拔詳
人物

聶顯

李鴻

詳人物以上
順治年貢

高卓

郭璜

恩貢康熙二年
停貢九年復

張化麟

白素心

彭昂

拔貢

房宅仁

恩貢

陳呂英

賈名言

李一變

王俾牧

張經綸

安信

封邱訓導
詳孝義

江友德

劉楨

胡丹忠

黃珪

拔貢見
舉人

孫茂華

彭始翮

符名世

許興宗

李傳信

高爵

孫遊

丁盛運

拔貢

孫宗祉

房壯居

王士乾

賈子策

恩貢

許維新

廖鉞

靳驂

廖揆

張灝

廖錦

以上庚
熙年貢

李芳

賈模

拔貢

恩貢孟
津教諭

楊名楷

李焜

盧氏
訓導

程是

何麒

陳調鼎

黃鈺

拔貢蕭山知
縣詳人物

恩貢

王以寧

彭克昌

已酉副
榜貢

李英

詳孝
義

郭銓

丁象燕

王德純

拔貢

杜文蔚 以上雍正元年貢

范廷侯 恩貢

滕俊

高肅

孫中道

廖掄

齊烜

房履楹

劉利器

唐宏仁

張維極 恩貢遂平教諭

張文衡

王紹

王三命

張克讓 辛酉副榜貢

孫于宣

王需瑾

武一植 恩貢

田益 恩貢

惠于公

龐振坤 拔貢

呂必顯

丁賢殿 以上乾隆元年貢

張晟

安畏天 河陰訓導

楊復琳

唐超裔 詳人物以上府學貢

安順天 建昌府經歷以下例貢

彭宗仁

李克昌

李宗密

王聞韶

彭鶴

監生

明李良 宣城知縣

孔温 景州判官

鄭傑 順德府經歷

霍聰 長沙主簿

李宗亳州 巡檢

馮英

張本益都 縣丞

李海溧陽 主簿

褚禹德州 吏目

王冕臨水 主簿

杜聽

宋儒

李邦直

李大倫平陽府 檢校

陳敷任縣 丞

陳昇典史

楊威仁和 縣丞

魯偉壽州 判官

王縉塩運 大使

錢淵太倉州 判官

張針

丁瑞

魯宗仁徐聞 主簿

李邦憲

李邦基

李大經

張蘭夏縣 主簿

譙良佐

趙廷臣太原府 照磨

李一元餘干 主簿

王汝器序班

王汝茂崇寧 主簿

王汝哲

李邦明序班

丁埏詳義 行

黑疇上林苑 署丞

陳大策永年 縣丞

丁垓詳義 行

李一夔

胡萬育六安州 吏目 陞照磨

王來聘

李一清

王用忠景州 吏目

李一臯

李一奇

王從謙

王來賓

丁銑 江西理問

丁鉦

蘇萬業

丁鉦 南城兵馬司

丁鏞 雲南經歷陞阿容知州加僉事服

蘇思齊 鳳翔府照磨

藍嘉賓 洛川主簿

丁鐸

陸卿

王懋忠

陳九疇

楊文炳 光祿寺署丞

騫惟智

黃印

張鳳鳴

侯萬里

韓秉忠

唐延祚

郭邦甸

余繼文

楊鳳苞

田之尹

王嘉士

王琦

張文龍

韓陳忠

國朝文章耀

孫紹謀

李瑞

彭始凱

曾詣上

彭鼎

彭湘

王琳

安潮 候補刑部司獄

彭世奕

唐純

安本

安奉天

辛汲

田謙吉

黃登豫

傅起文

尹炳

常際盛

孟稱姪

韓世繡

彭肇寬

孟日儉

丁正暉

孫慎樞

王盛燦

夏宗德

張永昌

王鑿

盛天相

王鰲

辛遐昌

孫純一

廖鳳榮

張克申

王洪修

李戛

王合林

王偉林

湯濟世

劉鳳彬

段潔

文鶴鳴

沈灝

錢璠

徐明

索元溶

王克寬

趙琨

沈鴻猷

錢墳

閻盛

郭岱

郭煌

楊基

劉朝君

宋鵬

劉崇章

曾乙煥

李果

李居易

李珣

李徵遠

劉偉

范廷佐

魏全仁

蘓緝武

魏從學

李成美

劉漢裔

申子秀

馮自謹

王化鵬

朱宗賢

劉元聲

肖景紹

李長生

周天相

劉仁聲

唐錦

王廷馥

李逢源

周禮文

文佩鳴

景兆鳳

彭瑞麟

尹炎

韓京召

丁恒

張克文

高國相

張有長

張維漢

張文烈

李德秀

段洪

段毓靈

國朝

武進士 明代武科舊志不載今無考

順治

辛丑 彭始起 陝西 參將

乾隆

乙丑 于泰

李倫魁

辛未 劉標

武舉

順治

甲午 彭始起 見進士

雍正

己酉 黃如麟

壬子 江琦

楊魁

乙卯 王萬壽

乾隆

戊午 于泰 見進士

夏大成

辛酉 李掄魁 見進士

丁卯 劉標 見進士

劉振傳

庚午 劉超

唐灝

癸酉 彭瑄

選舉

封蔭

明王 戎 以子禮封大

李寬甫 以曾孫賢贈光祿大夫柱國少

李威 以孫賢贈光祿大夫柱國少保

李昇 以子賢封光祿大夫柱國少保

應 以子傑封 閻 貴 以子宇封兵

孔剛 以子溫 韓 鑑 以子賢

蘇英 以子泰贈 武德將軍 謹 銘 知縣以子良弼

王玠 以子進賢 王 粵 以子圮

藍薰 以子瑞封承德 郎刑部主事 張文輝 以子誦封文林

丁 挺 以子鑄贈文林 郎兵馬司指揮

王國卿 以子九疇 贈文林郎 王 朝卿 以子助封承德

丁 鉦 以子如瀾贈 兩浙運副 許 天雷 以子秉政封徵仕

李 大醇 以子永茂贈徵仕郎兵科給事中 按永 王 時永茂曾祖奈祖繼先父大醇俱贈柱

李 玠 以父賢贈錦衣衛指揮千 鏞 鑾 以父賢贈錦衣衛指揮千 鏞 鑾

李 璋 以父賢廕仕 李 錫 璋子廕中

李 鎮 以子廕中 書秀才

國朝彭 彬 以子而述贈中憲 大夫雲南副使

張正坤 明前所世襲千戶 本朝改千 總以見奎陣亡廕拖沙他哈番

鄧州志

卷之十四

六

掾史

明盧祥 典公安

薛本 典巴陵

屈泰 典武進

趙欽 典寧海

張能 典宜賓

魏福 典文水

陳廣 典舒城

余全 典涇縣

王希舟 主簿

盧春 益都驛丞

陳名 典嵐縣

郭宣 典支江

楊知 典吳縣

劉欽 典武功

盧章 典河間

齊邦用 典武清

彭壽禧 典涇南

陳有春 典鄆縣

張自愛 真定府經歷

孫守安 典宜君

孫守國 營州衛經歷

劉賢 臨潼縣典史

鄧州志卷之十四終

